

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

Constantij ad Athanasium Episctola. Cap. XI.

urn:nbn:de:hbz:466:1-12704

genere Phryx, animo versutus, & saxis in vndis maris latenter tibus similis. Sed de isto quidem paulo post dicā plura. Per id temporis Constantius, cum pro certo cōperisset fraudulentos aduersum episcopos conatus, scripsit ad magnum Athanasium, semel, iterum, ac tertio, quo illum, ut de occidente reuerteretur Alexandriam impelleret. Vnam autem eius epistolam breuem illam quidem historiæ hoc loco adnectam.

Constantij ad Athanasium Epistola.

C A P. X I.

Constantius Victor, Augustus, Athanasio S.

QVanquam per superiores literas tibi significabamus, ut animo securo ad nostrā aulam accederes, propterea quod in animo erat te ad tuam sedem mittere, tamen has literas etiam tuæ grauitati dedimus, uti publico vehicu lo consenso, ad nos absq; omni diffidentia ac timore aduentare properes, quod rebus, quarum cupiditate duceris, matrè potiri queas.

Sancti Athanasii redditus secundus.

C A P. X I I.

IStarum literarum impulsione redeuntem Athanasium benignè exceptit Constantius, & ecclesiam Alexandriam denuo capessere iussit. Verum qui tum apud Imperatorem autoritate & gratia plurimum poterant, iūq; erroris Ariani contagione infecti, aiebant Athanasium debere vnam præbere ecclesiam illis, qui cum eo communicare nollent. Quæ cum dixissent Imperatori, & Imperator Athanasio, respondet Athanasius se debere quidem Imperatoris mandatis obsequi, se tamen velle alia quædam ad eum referre, eaq; postulare sibi itidem concedi. Imperatori autem pollicenti libenter ei concessurum, quicquid peteret, ait eos, qui Antiochiæ communicare recusarent cū his, qui obtinenter ecclesiæ, opus habere ecclesia, & propterea vnam ædem sacram illis similiter iure tribuendam esse. Vbi verò annuit Imperator, & postulationem vt pote rectam æquamq; approbavit, hæreticæ phalagis præfecti, neutri parti ecclesiæ tribuendas esse censebant. Ob hanc causam Con-

stantius